




謙齋文錄卷五

碑銘

重修邱文定公神道碑銘

載江陰縣志



皇明弘治元年三月朔重修宋故資政殿學士刑部尚書  
 同知樞密院事贈太師封魏國公諡文定邱公之墓墓在  
 邑之東南由里山之陽自宋迄元幾三百餘禩墓已墟矣  
 惟功德院如故舊賜額曰勸忠寺歲致薦焉方今聖天子  
 卽位詔天下名臣墓有毀者有司修理仍復民丁守之於  
 乎大哉王言褒重先代名臣之意至矣公之墓獲與茲例  
 世孫載請于巡撫南畿都御史王公檄下邑邑宰任公  
 謙齋文錄 卷五 碑銘 一

亟為葺治復其地之侵于豪右者建饗堂豎華表凡墓所  
 事無不舉且立文定坊于邑事既竣載等祈言以饒于石  
 謹按國史家乘公諱宙字宗卿常之江陰人也隆興初舉  
 進士第三人歷仕孝光寧三宗之朝累官致登樞府間嘗  
 釋吳挺兵權白金使歷法築捍海堰復蘇湖之田其為國  
 謀也忠矣無何金屢入寇公欲儲才養晦徐以恢復為圖  
 適韓侂胄柄國竟沮于輕舉北伐之議雖曰三朝舊德一  
 代偉人而其所抱負者卒不獲大施齋志以歿公子長徽  
 猷閣待制壽雋居江西子同年巡撫四川都御史鼎其後  
 也次大司農卿壽邁居是邑已十有餘世世有顯者公澤

之不泯如是哉於乎公墓久墟而始一新固有賴于爾後  
非我聖天子德意又何以成厥功昔公與侂冑同朝彼一  
時氣餒何若也而今坏土安在明詔此舉是益足爲萬世  
忠臣之勸矣公嘗曰生無以報國死願爲猛將以滅敵壯  
哉斯言千載誦之凜凜有生氣今天下太平大憝廓清固  
無假靈于公手也惟公後有用世者竭忠效勞克紹先烈  
庶不負聖天子褒重先代名臣之意銘以昭之其辭曰宋  
自南渡時已弗競我觀名臣孰與文定文定邱公扶華抑  
戎愴人當國大事罔功功未一試身乃盡瘁高風振古河  
滸山礪皇朝推恩載修其墳旌忠有詔光啓後人

謙齋文錄

卷五 碑銘

二

尚書周公神道碑銘

周之先爲蜀之資陽人宋紹興中始徙敘州之長寧故今爲長寧人七世祖惠仕本州知州曾祖世祥祖本原父永隆俱儒學訓導邑人稱世儒周氏以別其族至公以儒術大顯於世公諱洪謨字堯弼號箐齋又號南皋子自少穎敏好學不倦侍父官長陽處諸子中卓然有名正統甲子領四川鄉試第一明年復古第一甲進士授翰林編修景泰壬申左春坊贊善丙子修寰宇統志成陞侍講天順戊寅進侍讀署南京翰林院事甲申憲宗卽位召修英宗實錄改翰林侍讀丁亥進學士陞南京國子祭酒丁母憂服

謙齋文錄

卷五

碑銘

三

除改北京祭酒擢禮部右侍郎由左侍郎拜本部尙書丁未進太子少保積階資政大夫正治上卿今上卽位之元年爲弘治戊申上念公嘗以老請致仕令乘傳而歸陞辭之日恩禮不替又三年以疾卒于家辛亥二月二十三日也壽七十有二訃聞命有司諭祭治墳仍賜諡曰文安公少以文爲業然有志政務多所建白初在翰林卽勸上勤經筵以講聖學謹內治以敦政本復條十二事以進及蜀寇作與長寧鄰境公稔知其出沒設禦備之術甚悉遂見擒而其地宴然及爲祭酒整飭規矩表率生徒且言修祀事廣倉儲禁酷刑減征稅攘虜撫夷十事上悉嘉納之又

言聖朝尊崇孔子其塑像冕服既循前代之舊用天子之制而禮樂不稱封號不加殊爲闕典宐下禮部議之尙書鄒公以尊崇孔子初不在此爲奏然朝廷竟用公言始增籩豆舞佾之數在禮部時首言書載璿璣玉衡蔡傳不得其制乞改造以備占候既成有羊酒寶鈔之賜後烏思藏等處入貢其貢使數踰舊制一歲中有至三四人者賞賜糜費不可勝計自長河西諸番皆冒以圖利公言此特無印符爲驗耳宐依海外諸番例各給與符二十道入貢備填貢使物數于上仍識以舊賜金印至關驗以防詐僞詔從其議其費始省丁未月當食不食或以爲宐賀公謂

謙齋文錄

卷五 碑銘

四

此陰盛之象其可賀耶遂止嘗奉命祭天壽山神見役夫運載相繼于道知有所營建也歸言月令云盛夏不可興土功又曰舉大事則有天殃今歲大旱未必不由於此且時方炎蒸人易疾疫宐暫休息之不報及既歸老蜀中倦倦不忘朝廷猶力疾疏安中國禦四夷十事遣人馳進悉命所司議行蓋公忠勤之心至於終身乃已公平生尤喜著述凡經史稍有疑輒訂正之其爲文簡直不爲奇險語而理致明白粲然可愛所著有疑辯錄三卷南臬子集二十卷箚齋集五十卷公之祖父竝累贈資政大夫禮部尙書妣趙氏韓氏竝贈夫人配王氏咸寧教諭錡之女有賢

行封夫人子二長汝端鄉貢進士汝靖國子生女三長適鄉貢進士李鯤次適進士劉武臣又次適任琛公爲人莊重和厚喜怒不形與人交久澹如也對客談論出入經史亶亶無窮性更孝友侍母夫人居兩京極其奉養待弟洪範恩義兼厚鄉黨稱之子與公舊爲僚友相好且久以公卒之明年某月某日葬某山之原其子持禮部尙書耿公之狀泣拜請銘于神道之碑義不得辭也銘曰公昔翱翔來自西蜀甲科高躋朝士屬目詞林春坊出入仕祿惟仕旣優而學則篤矻矻歲時不忘誦讀堂堂辟雍土遭教育帝曰汝賢有命宜服舊規獨持造就何速乃登禮部自亞

謙齋文錄

卷五

碑銘

五

而卿國有大禮屢議而行夙夜在公勤勞不寧遇事卽言豈畏近名奏疏屢上摠忠獻誠朝廷更化登用老成公忽引去尙被恩榮孰知三載遂隔死生惟公著述縱橫几案遺被後學有疑已辨惟公論議老而不倦載在國史後當有傳巍巍蜀山白石嶙峋有司相役築茲高墳孰云公亾卹典維殷乃闢神道樹之堅珉百世而下考于茲文

尚書黎公神道碑銘

弘治辛亥南京禮部尚書黎公以疾乞致仕詔可仍賜誥命歸明年以建儲恩進階資德大夫正治上卿四月十八日竟以疾卒享年七十訃至命有司諭祭及營葬事諡文僖其孤民表詣闕謝恩他日奉公門人李學士賓之狀拜請神道碑銘予與公同朝且同官已久義不得辭乃據狀而書之公諱淳字太樸號樸菴世居岳之華容本楊姓曾祖元勳出繼姑氏後從黎姓祖士禎父斌寧縣丞有德政竝贈資善大夫南京禮部尚書祖妣徐氏妣元氏王氏竝贈夫人公少苦問學從父宦遊與兄資深相師友天順丁

謙齋文錄

卷五

碑銘

六

丑英宗復位之歲也舉進士第一授翰林修撰預修大明一統志癸未同考禮部會試成化乙酉憲宗卽位充經筵講官丙戌遷左春坊左諭德丁亥修英宗實錄成進左庶子甲午考順天府鄉試丁酉修資治通鑑綱目成遷詹事府少詹事兼翰林侍讀今上正儲位日侍講讀戊戌擢禮部右侍郎丙午改南京吏部丁未滿九載遷左侍郎加正二品俸弘治戊申始擢南京工部尚書尋改禮部又三年以疾致仕而卒公性耿介寡合尤好直言居官屢除弊事初入翰林有以言被謫者卽致書當道請救其人當道者雖不能用然心實重之考鄉試時有試卷奇甚後場不類

疑有弊鈎稽墨卷果得謄錄生截卷狀按其事而取是卷  
爲解首則名士馬中錫也人皆稱服嘗見天下鄉試錄多  
舛繆或犯國諱擿奏數十條下禮部翰林院議治考試提  
調官罪且申定格例行之至今及在禮部故事內批出翌  
日承行者必陞陳補奏疏以防奸僞除授寢廣有諷令勿  
奏者執不可諷者色沮久之竟停奏在部不受私餽不行  
請屬尤慎形跡事涉矯託輒窮本末必暴白乃已聞人有  
玷行雖所甚愛必摧抑不曲爲庇覆下至胥隸亦畏憚不  
敢犯素儉樸患鄉俗好侈躬自裁抑昏葬飲宴之禮人多  
視以爲則重倫尙節痛違祿養極嚴廟祀兄嫂卒其孤民

謙齋文錄

卷五

碑銘

七

獻及女皆幼育爲己子遇二季沾滄無間言嘗歸省至臨  
清適山東按察副使董國器妻死而董使未還特使人昇  
其柩以歸太常卿余孟亭卒家貧倡鄉宦合購贈俾襄葬  
事鄉吏鄧錄寓銀數十兩後錄死藏所寓物候其子長乃  
還之所居黃洋渡積瘵病涉捐私帑築堤四十丈民甚利  
焉嚴於教子不假辭色至訓諸生日疊疊不倦登科甲仕  
中外者相接踵下逮胥吏有嚮學者輒優給之後亦多成  
名云平生好著述有龍峯集若干卷及輯國家諸試錄合  
六百四十卷藏於家配金氏贈夫人先卒子男六人民牧  
進士民表戶部主事民衷民安國子生民俊民信女四適



荊州府學生張孟瑄次適鄉生程鶚三適縣學生羅煢四  
幼孫男二循紀循章女一以卒之明年某月某日葬于黃  
湖山之原金夫人祔銘曰洞庭匯澤其流洋洋公實楚產  
挺拔不常昔起鄉薦世遇英皇對策大廷萬言成章乃賜  
及第哀然前行出入清秩翰林春坊危言正色恥和其光  
治朝簡任官惟俊良匪籍銓曹孰爲較量冢宰之亞謂公  
克當秉公薦舉賢路不妨仰視孤鳳倏焉南翔人則不容  
在公何傷宗伯掌禮名位益揚召命將下步履不彊乞身  
歸田旋以云亾二品既貴七袞亦長朝廷眷念恩被幽堂  
科第克紹諸子其芳集集門人青雲頡頏公其逝矣有光  
謙齋文錄

卷五

碑銘

八

於喪爰伐貞石樹之墓傍刻此銘詩永昭不忘

壽寧侯張公神道碑銘

張公諱嚮字來瞻別號秀峯今皇后之父也曾祖諱希信祖諱迪夔州知事考諱綬俱以公貴贈壽寧侯曾祖妣王氏祖妣郝氏妣裴氏俱贈壽寧侯夫人公之先河南人也自希信府君徙山西徐溝知事公再徙河間之興濟故今爲興濟人世有積德人謂其家當顯然知事公與其兄交城教諭縉仕皆未達後有知地理者謂其地當出大貴人公時方業儒淹于場屋亦莫知能當之者及公之配金夫人一夕夢月入懷已而生聖女果正位中宮爲皇后實配今上皇帝誕今皇太子以固國本於億萬年而公乃屢受

謙齋文錄

卷五

碑銘

九

恩命至封高爵此豈偶然也哉成化丁未憲宗皇帝在位今上爲皇太子以冊立妃禮成始授公鴻臚寺卿弘治戊申上嗣位以冊立皇后禮成超拜公榮祿大夫中軍都督府都督同知庚戌再封推誠宣力武臣榮祿大夫柱國壽寧伯歲祿千石壬子又以冊立今皇太子禮成進封壽寧侯號加翊運階加特進光祿大夫祿加二百石仍賜鐵券俾子孫世世承襲而累贈三代如制寵眷之來有加未已又五月公偶得疾方命醫療治越旬竟不起上聞訃震悼輟視朝一日皇后執喪哀疚克盡孝道於是上命禮部行卹典祭賻加厚贈太保昌國公諡莊肅皇太子若親王及

諸王皆有祭公侯大臣往弔祭者不絕而太監李公榮奏  
公德奉命典喪事仍令工部等官擇吉地治墳塋恩至渥  
也公貌清俊性醇厚居家孝友交人待物重信義尚寬和  
人皆賢之本出宦族其從兄岐以進士官至都察院右僉  
都御史重念家世自少好學誦書綴文力欲取科第以繼  
志竟不遂乃膺貢入國監及爲外戚感恩圖報夙夜不怠  
禮接士大夫謙謹愈甚未嘗以富貴驕人素儉約不肯妄  
費至於故舊及貧乏者輒周卹不吝論者謂公德厚宐躋  
壽考不意止此生於乙丑七月十四日卒於壬子八月十  
一日享壽四十八以某年某月某日葬於都城西香山鄉  
翠微山之原夫人金氏亦出興濟名門婦道母儀賢行甚  
備子二人長鶴齡聘嘉善長公主女王氏次延齡葬有期  
鶴齡等奉李學士賓之狀請銘其神道之碑惟外戚見於  
史書者在漢有表唐宋以來有傳如公之遭際聖明躬享  
其盛生榮死哀又非前代之可及可無銘以昭之銘曰天  
佑皇家聖神在位早正中宮流虹合瑞篤生儲副實惟元  
夏國本旣固皇圖益昌推厥自來以親外族有美張公克  
膺福祿惟公累世積德有人或出或處同歸於仁公昔業  
儒恂恂好學力繼其先志向堅確壯而託迹鄉校賢關人  
亦有言天道好還有兆斯開地靈夢吉中宮之生載寢之

謙齋文錄

卷五

碑銘

十

夕燕南令族孰數崔盧帝室聯姻公起鴻臚寵眷頻蕃受  
秩惟臚曾不踰年公在督府朱衣玉帶富貴顯榮中心抑  
畏畧無驕矜福祿方來尙有後命盛世遭逢國有大慶漢  
庭故事恩澤殊優爰從伯爵遂列通侯帶礪誓文金書鐵  
券世世子孫承茲寵眷拜命兢惕公無所容匪幸而致禮  
宜顯崇身及中年如川方至夫何溘焉以厭斯世宸衷震  
悼卹典惟豐哀疚致孝以慰中宮賜諡易名加封大國豈  
厚於公惟以報德公雖逝矣子孫克承爵位相傳誓文可  
徵都城之西旣得吉卜賜葬於斯垂庥嗣續墓有神道樹  
之豐碑百世之下考此銘詩

謙齋文錄

卷五

碑銘

尚書鄒公神道碑銘

資德大夫正治上卿太子少保禮部尚書鄒公以清德重望致仕家居壽躋八十有四以弘治壬子某月某日卒之前二月公以杭屬縣大饑心切憂閔手具奏疏以聞上嘉公身居田里不預政事能達民隱如此既詔有司如所奏賑卹卽出內帑文綺賜公以旌其賢及是上聞訃悼歎諭祭營葬一如卹典特贈公太子太保諡康靖恩禮優渥人皆榮之公諱幹字宗盛別號順菴姓鄒氏其先嘉興人也後徙仁和再徙餘杭故今爲餘杭人曾祖福堅妣某氏祖壽之贈資政大夫禮部尚書妣沈氏贈夫人父濟詹事

謙齋文錄

卷五

碑銘

七

府少詹事贈太子太保諡文敏妣薛氏贈一品夫人文敏公在太宗皇帝時爲宮寮卒時公尚幼適仁宗皇帝監國南京特遣充應天府學生親加諭勉賜鈔二千貫仍月給米二石以資養之公感激奮勵力學不懈正統戊午中鄉試明年遂登進士第庚申初授兵部職方司主事歷陞署武選司員外郎郎中己巳八月北虜犯邊英宗皇帝北狩京師戒嚴一時所需甲杖糧餉未有能任其劇者僉以公爲宜乃超遷兵部右侍郎公殫竭智力日共厥事倉猝聞發廩以給兵士或不俟奏報而行一日兵士擁東城門請給馬草適鄉民萬計避虜走城下叫號求開門守者難之

公曰草不得則瘦馬不過瘦死爾城以衛民若無所衛焉  
用城爲且聞虜距城尙遠至近境門開無及民皆死矣竟  
從公言獲濟及虜退明年改元景泰被救獎諭辛未清軍  
職貼黃事竣改禮部壬申奉敕考察山西官吏癸酉河南  
鳳陽等處大水詔往救荒民多受惠凡爲奏免稅糧若干  
萬石旣歸命督易州山廠薪炭積弊頓革因奏設主事一  
人綜核其事公獨總其綱而已居三年衆議以公不宐久  
處比召還治部事尋陞左侍郎進階正議大夫資治尹天  
順丁丑英宗復位故尙書胡公方致其事去諸冊立大禮  
竝從公詳定而行時襄王來朝故事當祭禁門而入自遷

謙齋文錄

卷五

碑銘

三

都後來朝禮絕莫有知者公檢太常故典行之及上不豫  
復奏行皇太子御文華門代朝禮成化丙戌憲宗皇帝二  
年也命撫安畿內許便宐行事明年以老辭位不允未幾  
特拜南京禮部尙書居二年召還禮部仍令經筵侍班自  
是治部事者十年至加太子少保屢以老請上皆不允後  
復請不已特賜敕致仕令馳驛還仍令有司月給米二石  
歲給僕夫四人蓋家居者一紀而終公性謙謹喜揚人之  
善處事是是非非不肯詭隨忠勤奉國老而彌篤嘗因災  
異首以妄費濫賞及修苑囿設齋醮爲言後以度僧道過  
多因極言其弊奏爲定制至今遵行之少侍文敏公多聞

都憲謝公神道碑銘

都察院右副都御史謝公卒於家上遣官諭祭命有司營葬皆如制其子鄉貢進士廷柱奔喪歸自京師以予與公同舉進士奉羅編修紀狀請銘於神道之石公諱士元字仲仁謝其氏也上世居浙後徙閩今爲長樂人四世矣曾祖諱鍾祖諱琬考諱磐封中憲大夫建昌府知府妣徐氏封恭人公少以詩舉鄉貢登進士授戶部主事上疏陳四弊爲尙書年公當所器許事有涉中宮者力抗彼不勝忿求其事竟無所得擢建昌府知府有兵盜民財夜數發兵官庇其跡法不得施公以危言恐兵官皆奪氣姦始息乃

謙齋文錄

卷五

碑銘

天

新學宮作禮器行射法購書以惠來學若公廨驛舍城櫓壇壝之類皆增新制又建祠以祀李觀表黃孝子譚節婦之門以勵鄉俗爲敦化表忠勸學三圖繫以詩俾民誦習知所嚮慕尤惡邪術南城民以腐鼠蒙一石像置屋上鴉聚而啄之民陽驚取之以爲神趨者蝟集公碎其石于庭乃止復有女巫憑鬼物言禍福公欲究之巫忽自言吾畏謝公吾去矣遂如常時有持券訟田者公遙叱之曰此僞耳僚佐問何以知之公笑曰券紙今式其所訟乃二紀前事也蓋訟者姑以試公至是爭相告引去歲再饑公捐俸金爲倡富民爭開廩延糴民賴以濟蔡教授劉訓導繼死

州城南西邨之原上命禮部諭祭工部治葬皆如制公會  
祖諱某世家州之集賢里因號集賢居士嘗導滹沱河水  
以利民人稱爲呂公河祖諱伯榮考諱敬俱贈正議大夫  
兵部右侍郎妣皆贈淑人娶陳氏累封淑人先卒子二長  
時正以恩爲國子生次時應側出女三國子生房銘錦衣  
百戶袁凱士人李某其婿也時正奉狀請銘于神道之左  
故敘而銘之銘曰公昔乘驄向東漢晚歲提兵駐河朔山  
川盤紆地包絡譎虜窺視進還卻行能運籌坐方畧入爲  
貳卿兵竟握中制無論北門鑰資深地中當峻擢竟以是  
終魂何邈九原茫茫不可作終始哀榮兩無忤王畿之內  
謙齋文錄

卷五

碑銘

三

有焯

州有郭公歸賜葬猶寵渥我銘在茲石不剝後千百年光



侍郎呂公神道碑銘

國家任兵部大臣必簡選嘗歷邊閫習兵事者正佐相資先後相踵居中制外坐收昇平之效當憲廟之季逮今天子在位若呂公天章其一人也公諱晏天章其字保定安州人少爲州學弟子員舉順天府鄉薦試禮部輒弗利成化初選爲監察御史僅踰年會朝廷有事于東夷從左都御史李公秉往紀功還擢南京通政司右參議未幾以內艱去服闋改南京光祿少卿召入爲太僕寺少卿馬政修舉薦爲都察院右僉都御史巡撫延綏有虜警衆議未決公曰虜旣深入宜堅壁待之彼無所獲必困而歸歸則以

謙齋文錄

卷五

碑銘

三

勁兵邀其後可以得志果如其言事聞有白金文綺之齊旣乃築邊牆三百餘里虜不得近人恃以安山陝饑榆林獨熟民流集者甚衆公慮其生變縱令出境墾荒地爲田以食或謂其招寇公曰使不出境必饑而死欲招寇無米可恃後竟得無他所活不可勝計邊人至今能道之久之徼外益無事於是有兵部右侍郎之擢弘治初遷左侍郎時天下無警曹務外無以自見屢有建白皆下有司比持節封宗藩清稽武誥名籍皆其餘事也其爲人樂易可親遇事不窘交朋友待鄉黨皆從厚是以人賢之公年六十有六卒於弘治甲寅五月九日將以乙卯某月某日葬於

貴人以事諷公不從廣等從而媒孽之竟坐事去弘治五年詔復公故官致仕七年八月十有八日卒于家春秋七十有二公娶尹氏封恭人先卒子男六鍼國子生鏞鏗鏗夔俱授松江守禦千戶鏗邑庠生女五孫男十二人孫女十五人以某月某日葬其鄉周涇之陽公爲政所至見紀有冰玉十詠有湖藩十政有勤民倡和集士類懸思集其卒也衢之父老及孔氏子孫挈舟千里來哭者不絕於乎公雖不能與時順隨不克究其施然其愛在民其功在邊公論在士夫是其不可泯者吾故用鉞請爲文及銘俾刻諸墓道以示來世銘曰有頌而哲人中英少登甲第華簪謙齋文錄

卷五

碑銘

五

纓入科出郡封專城浙水東下流芳馨邦人祀之死猶生楚晉大國藩垣屏甘棠蔽芾多頌聲擢爲憲帥提邊兵羌胡萬里勞經營除奸糾慝聞者驚豐機竊法來相仍一官棄去一羽輕當時物論洵不平蓋棺事定信有徵况乃壽考兼康寧生而全歸沒有靈九峯巉巖三泖清千秋百歲垂儀刑後欲知之考茲銘

都憲唐公神道碑銘

都察院右副都御史唐公諱瑜字廷美其先晉陽人宋御  
史中丞子方之後高祖諱英洪武初官松江上海烏泥涇  
稅局子文祥因占籍上海大父諱忠不仕考諱昭以公貴  
初封徵仕郎南京禮科給事中繼封中議大夫贊治尹衢  
州知府公姿貌瓌偉有奇氣爲詩文操筆立就以書中應  
天府鄉試登景泰辛丑進士授南京禮科給事中蹇蹇不  
阿選知浙江衢州府九年擢湖廣右參政遷山西右布政  
使未行丁外艱服闋改雲南未幾擢都察院右副都御史  
巡撫甘肅公之守衢也詢民間利病以次行罷衢人大悅

謙齋文錄

卷五

碑銘

三

會歲久旱且疫公還自朝覲下車卽宿城隍廟自爲文以  
禱三日雷雨大作後凡值旱禱輒應吏民相與勒石于周  
宣靈王廟舊有孔子祭田奪于民公以俸贖還之俾世供  
祀事有假媒聘賺財旣而懼公之威鬻其二子及妻以償  
公曰民窮而犯法畏法而棄妻子守之過也贖其妻子還  
之衢號健訟公決斷如流數辨疑獄民遂不敢欺公去衢  
衢人爲立生祠祀焉其在湖廣京山隄襄陽河置廣儲倉  
歲饑民賴以不徙正雲南土官世襲法以絕爭訟定滇糧  
給散之宐甘肅兵政久弛至則陳時政四兵備五罷參將  
田廣奏起才將許寧李真勞邊軍卹陣亡邊人凍然會中

雖遇權貴亦不捨護故權貴人多怨公公將用輒爲其所抑其去也亦以是云銘曰南丹之李派自歷城暨入隆慶李斯有聲李之有聲實始于公才德並茂位秩益崇公佐三藩至有成績孰爲最多西蜀赫赫蜀有土田公爲耕之蜀有寇盜公爲平之蜀民嘻嘻惟其所欲公爲蜀民奔走僕僕公撫河南河水瀾瀾浚之導之河迺東馳不震不動公之在邊孰謂強虜而敢瞰焉公視饑民哭聲載途裹糧以哺民或歌呼歲儲浩浩東南之輸公手出納不爽錙銖惟公之才已用于時人猶有言不究其施惟公之位已極其至人猶有言不久于事公其已矣爲公慨何刻銘墓隧

謙齋文錄

卷五

碑銘

三

百世不磨

患十六年陞戶部右侍郎尋奉敕巡視山海邊關整飭兵備置牀子弩一萬五千張弩可射三百餘步又設飛石飛木可發五七十步者各數十萬削山坡成峭壁東西數百里歸而以圖進上賜鈔四千貫二十年轉左侍郎權尙書事時河南山東北直隸連歲旱穀無所出州縣當輸邊者類橐銀就糴以輸米踊貴斗至數百錢然亦實無甌石賣者而武吏催督道路旁午勢甚張皇公聞之乃請輸銀太倉而以太倉之米轉輸於邊米價遂平二十一年奉敕總督三邊軍儲兼賑濟饑民時關陝不雨三年矣公齋心默禱所至天輒雨又引渭水爲渠經行百餘里以利居民是

謙齋文錄

卷五 碑銘

三

歲大稔民賴以全活者甚衆公還朝復具圖以進上喜又出寶鈔四千貫賜之遂有意大用公矣明年陞本部尙書總督京通兩倉內外僚吏素熟公名皆慄慄危懼惟恐有犯公者時公雖不大聲以邕事固無不理也二十三年公遽有去志遂上疏乞身以歸買田築室於隆慶城西北日與親舊觴咏其中或問以官事則不應弘治五年以建立皇太子恩進一品階七年某月某日卒於家年七十有四娶某氏繼娶某氏皆贈淑人男四人長曰某廕補太學生次曰某州學生次曰某女四人長適某次適某其二尙在室孫男女六人公性簡直與人不能委曲又好面折人過

尙書李公神道碑銘

公諱衍字某姓李氏其先山東歷城人永樂初有諱某者  
謫戍南丹後改編隆慶州民遂籍隆慶是爲公之祖考考  
諱某皆以公後贈戶部右侍郎公自少穎悟爲州學生有  
聲場屋景泰壬申登進士第授兵部主事歷陞員外郎郎  
中皆克舉職成化二年陞河南右參議檄所部課民種桑  
棗戶若干株因以考長吏勤惰且令月條上其他政改善  
則溫言慰之不善則訶譴不少貸由是州縣之吏罔不知  
懲勸四年丁母夫人憂服除改四川奉敕提督松潘等處  
糧儲出見彭索河荒田彌望乃召其土人而問之曰是可

謙齋文錄

卷五 碑銘

三

耕地而不耕何也衆皆謂生蠻往往擾耕爲患公則相視  
要害設橋梁墩堡塹柵爲防民乃耕耕遂無擾時松潘有  
堡曰張臘茂州有堡曰松溪皆爲生蠻所攻公與參將某  
前後擒殺數百人蠻乃遠遁捷聞朝廷屢有寶鈔綵幣之  
賜灌縣都江堰壞歲役夫四萬人修之吏得貨緣爲姦公  
去其十九築不逾歲而功告成民永賴焉七年陞河南右  
參政其居官聲實一如參議時十一年陞江西右布政使  
未幾陞都察院右副都御史巡撫河南至則剗刮宿弊理  
冤獄黜贓吏定九等差役法時黃河水溢城浸者三版公  
視東南角低下乃分命守土之官日夜疏濬始免決嚙之

煌屬吏驚聞相戒用命羣寇蕩然易亂爲靖公有長策惟  
亂可平公有時譽而謫亦興移鎮于淮才未及展歸休于  
杭吾席可暖以遨以遊其樂自由俄歸泉臺斯世莫留古  
云人公論始定昔者浮言曷爲公病身後優卹隆茲渥  
恩松柏交蔭屹然墓門湖山之間往來魂氣功業未終尙  
戀斯世乃伐山石載此銘詞百世之下可考于斯

謙齋文錄

卷五

碑銘

三



世世以公之德而後世之可考也

思公前交劉公... 山之間往來魂氣功業未終尙

云入公公備... 自由始觀焉

公... 其樂自由始觀焉

公... 其樂自由始觀焉

公... 其樂自由始觀焉

所聚雖嘗有兵守禦而寡弱不支宜卽會昌立行都可以  
統諸衛乃創巡檢司於龍南要害地庶保無虞奏上皆從  
之公以賊平疏乞致仕不從移總督漕運兼巡撫鳳陽等  
府地方以國計重務推究其利弊而罷行之則以在江西  
時以嚴致怨怨家相與騰謗而公竟去矣識者恨之公爲  
人精勤明敏才氣沛然遇事能爲若無難者性尤孝友每  
恨早孤語及其父輒嗚咽不已奉母夫人能盡色養事兄  
及二姊恭謹其賢又可稱也素好文翰所著述多有可觀  
有文集四卷奏議三卷藏于家曾和某祖某父某累贈中  
憲大夫前母喬氏母吳氏累封太恭人公初娶盛氏監察

謙齋文錄

卷五

碑銘

五

御史某之女再娶陳氏南康知府某之女贈封竝恭人子  
二曰世蕃世夔俱側室張氏出生宣德九年十月十二日  
卒于弘治五年三月二十一日以明年某月某日葬某山  
之原自公之去江西朝廷論平賊功屢遣官賜文綺寶鈔  
以酬其勞及卒諭祭營葬皆如卹典命其子世蕃爲太學  
生奉南京大理寺卿致仕夏公狀以神道碑銘泣請於子  
予與公有同年好雖不忍銘而其情尤不可已也諾而書  
之銘曰公生於杭起自弱冠甲科先登翺翔雲漢爰自郎  
署出守大州循良之政卓爾惟優乃歷三藩卓有政績峻  
擢都臺昇以重貴虔民不靖山谷跳梁西望疾驅璽書煌



都憲李公神道碑銘

李氏之先汴人也從宋南渡來杭入元有仕爲管軍萬戶者以事謫居徐州其後子孫以兵亂而還故今爲仁和人公諱昂字文舉生則穎悟不羣弱冠登浙江鄉試明年景泰甲戌舉進士除工部都水司主事改兵部車駕司陞山東青州知府年始三十有一人以其少未更事爲慮至則廢政悉舉郡中稱治凡八年闢田至五千七百餘頃賑饑民百二十萬而復業者五萬二千五百將滿去民狀公政績三十有四事上於巡撫大臣願畱公終惠一郡俄陞福建布政司右參政民懷思不已刻像于表海亭列邑皆建

謙齋文錄

卷五

碑銘

六

祠或有寃不得申者輒走祠下愬公其得民如此丁內艱服除改山東尋進右布政使舊治民鼓舞而迎者載道再轉河南左布政使時值歲歉悉力賑卹又吏弊多端公作吏範門約禁典以戒飭之四月適江西盜起贛州聚衆劫掠會昌信豐諸縣殺郡縣官其勢甚熾朝議以公宜當巡撫之寄遂擢都察院右副都御史以往公奉敕卽行以官吏因循多不用命痛繩以法乃議立營堡壓賊巢穴使不能出別募勇敢士與兵民同操習已而進兵賊聞風皆披靡斬獲不勝數事聞朝廷賜敕獎諭公以今賊雖滅當立守禦計蓋會昌與福建接壤萬山阻絕爲上杭武平流賊

卽敘士卒歌謳乃撫南蠻乃息其忿片言折之兵不血刃  
久勞于外帝實念公有使召入馴至司空積勞既久而病  
斯作奉身還家晚歲之樂何棄斯世訃音忽來卹典爰降  
誠爲死哀視其後人振振螿螿何以致之公有陰德海虞  
之野有山巍然後識其藏司空之阡

謙齋文錄

卷五

碑銘

七



山陰縣志卷之六

其時入建無靈所以難之公百刻驗諸事

平世聖宗始定之

公清實合公身好客太厚至司空聞公籍人而錄

其時入建無靈所以難之公百刻驗諸事

母葬祭服闋未上會木邦酋長罕窆法孟養思六與孟密  
曩罕弄母子累歲相讐殺雲南守臣奏乞調兵討之朝議  
以爲不便宜遣大臣如程某者往諭乃卽其家賜以璽書  
而行公被敕旨諭之折其辯說及見曩罕弄復責其擅相  
攻擊之罪皆頓首服乃以具奏始設孟密安撫司以材寨  
歸木邦不相統攝而西南遂無事矣朝廷嘉之轉公左副  
都御史加俸一級仍巡撫雲南贊理軍務久之召爲刑部  
右侍郎尋轉左侍郎以尙書缺署掌部事能律以法部中  
肅然九年考滿始拜南京工部尙書加一級俸公至是雖  
老益勤凡工役材用計度精詳無所濫費人方望公久任

謙齋文錄

卷五

碑銘

六

則致仕而歸且卒矣公之曾祖伯高祖士迪父景和皆不  
仕以公貴贈祖父都察院右副都御史妣皆贈淑人配譚  
氏封淑人子男五曰恩國子生惠志感俱義官忝邑庠生  
女一孫男七公居官見於前所敘述者其大畧如此若其  
持身之謹待人之厚人皆知之不待書也嘗預同考會試  
甄別得士爲多喜爲詩有宦游撫夷集藏于家銘曰壯哉  
海虞爲吳上縣古有名賢文學肇見歷世旣遠益多聞人  
有美程公出爲名臣少學于家遂顯科第郎署初登刑無  
偏諛吉惟大郡爭訟爲嬉以公出守吏不敢欺自蜀而秦  
以公分省政譽日騰巡撫是命乃長憲秩公才實優西戎

尚書程公神道碑銘

弘治己酉南京工部尚書程公致仕還家後三年十月八日  
以疾卒享年六十七公蘇之常熟人也守臣以公計聞  
事下禮部謂當遣官祭葬如卹典上允之乃以卒之明年  
某月某日葬于虞山之麓其子惠特求予製神道碑銘辭  
不獲乃按少詹事吳君狀書之公諱宗字源伊姓程氏其  
先有三入將仕者從宋自汴南遷家于常熟世有隱德至  
公始發以宣德丙午七月十五日生少入邑庠學業有聲  
登景泰辛未進士初授刑部主事階員外郎擢吉安知府  
公在刑部治獄詳慎綽有才名時有大臣退休者當英宗

謙齋文錄

卷五

碑銘

十五

復位之初畏罪自盡怨家誣其子謀殺久不能決法司奏  
遣公往訊所誣遂白吉安素號難治吏書奸弊百出公每  
以訟牒自裁獄成特使從旁書之奸弊悉去至今郡人論  
作郡者以公首稱丁父憂服闋改知真定以病未赴吉安  
之民知之相率走闕下乞公復任至則改知武昌矣踰二  
年擢四川布政司左參政進陝西右布政使再轉左布政  
使所至皆有政績民多頌之朝廷知公可用特擢都察院  
右副都御史治院事尋以陝西缺巡撫卽以命公適邊境  
多事偕總兵官率師征洮川西番滿松等族及往來慶陽  
榆林調度兵食邊境無事再丁母憂赴京乞守制得賜其

典故及居官往往述以諭諸寮屬其言皆可書洵一代之  
老成人也公配王氏贈夫人先卒子男二長煜次煥國子  
生女三長適葛某次適鴻臚寺序班蘇和次適處州衛指  
揮使牛洪孫男三圭坤堂女五長適杭州前衛指揮王楷  
次適指揮陳震次許適李端其二尙幼以卒之明年某月  
某日葬於餘杭山之原煜奉南京大理寺卿致仕夏公之  
狀來乞銘其神道之碑爲之銘曰餘杭有鄒來自樵李山  
川清奇乃鍾厥美惟文敏公廟食邑中仁皇眷念公爲孤  
童感激不忘甲科是繼克世其家益大名位豈惟大之身  
實有勞郎署超遷始于兵曹都城戒嚴武事克濟暫出而  
還遂擢禮侍旁稽典故以贊治朝宗伯之任居而不驕帝  
曰汝嘉登之官保寵命日隆屢疏請老終焉得旨優游里  
閭儉歲憂民日有奏書嗟茲老成世豈多有畢公去周厥  
德愈懋公旣逝矣賢名則畱恩澤所及賁于高邱再世易  
名爲時合族祠墳相望過者必肅樹碑神道松陰峩峩爰  
勒茲銘永永不磨

謙齋文錄

卷五

碑銘

十四

孺孤不能舉公歸蔡於漳歸劉於蜀二姓至今德之成化  
間南京大理寺卿夏公時正巡江西首以公名旌于朝得  
賜誥命封父母及妻滿九載民詣闕請畱陞從三品俸仍  
知府事諸生立生祠公撤祠毀其碑後乃復立公以憂去  
服闋改知廣信永豐有銀冶久闕處州民常盜發動以百  
計公勒兵循靈山以東趨之賊陽遁畱二三人爲餌邏者  
見而射之公亟止之不及伏四起刺公傷左股公裹創出  
戰得其賊首俘殺甚衆塞治穴而還改知永平復以憂不  
赴服闋擢四川右叅政東鄉盜藪也縣三劫有司莫敢制  
公捕殺數百人或議徙縣公曰盜不憚遠畏有備耳乃檄  
謙齋文錄

卷五 碑銘

无

縣吏修城隍以土兵戍之後亦無變建始有頑民挾官府  
爲害餘五十年公廉得其魁窮治之其黨盡散公治狀益  
著用廷薦擢右副都御史巡撫其地蕃有大小娃者相煽  
爲亂公託行邊閱兵積餉爲戰禦計賊獻羊豕來迺道左  
公慰遣之民代輸邊儲者多爲奸弊公遣吏覈實得逋米  
十三萬石有奇嘗大禱民流入藩郡日不絕公爲廣室十  
餘區作糜食之藥病葬死給歸者以符且餼之所活不可  
勝計弘治庚戌上京師以疾乞致仕年六十有六又四年  
年七十而卒公居官兩迎父養從父病親爲嘗藥族黨昏  
葬不舉者必周之建祠堂置祭田綜理家政暇則玩易賦

詩至老不倦所著有約菴稿若干卷詠史近體三百首公  
娶陳氏三子長廷柱次廷棐次廷最縣學生棐最出側室  
曹氏女八孫二本寬本忠孫女三公生洪熙乙巳某月某  
日卒於弘治甲寅某月某日葬於乙卯某月某日其地某  
山之原銘曰公昔朝天初掛冠閩山粵水中盤桓憶昔按  
行川蜀聞峽舟棧馬遠復艱內綏黔黎外戎蠻朝劬夕瘁  
無優閒追思列郡久且煩名雖盛得力已殫功成身退古  
則然斂而歸之諒匪難詩稱明哲公有焉聖恩賜葬輝榛  
菅幽光上燭高雲端文垂金薤青瑤鐫我銘茲邱世所安

謙齋文錄

卷五

碑銘

三

侍郎杜公神道碑銘

弘治甲寅三月六日工部左侍郎致仕杜公卒有司馳奏至天子爲遣官諭祭仍命工部營葬公之子源等卜某年某月某日葬公于昌黎縣某之原以予爲公之同年乃以神道碑銘來請按翰林修撰李君某狀公諱謙字益之姓杜氏其先定州人也元始遷永平故今爲昌黎人曾祖諱彥文祖諱復父諱敏前妣楊氏王氏繼妣董氏公少遊郡庠正統丁卯領順天府鄉薦會試不遇以國子生歷事戶部時山陽金公爲尙書待下方嚴獨奇公欲奏薦爲屬公辭之景泰甲戌登進士第朝廷修寰宇通志遣采事實于

謙齋文錄

卷五

碑銘

三

山東還授工部都水司主事督呂梁洪三年考最受敕進階承德郎封贈父母及妻改禮部主客司庚辰署員外郎癸未陞郎中以父喪去任服除改儀制司郎中成化戊子冊封晉府充副使明年詔廷臣三品以上各舉所知時姚文敏公在禮部知公才可用卽以名上擢浙江布政司右參議乙未陞右布政丁酉轉左布政使庚子召爲順天府尹壬寅工部侍郎缺卽以命公方見嚮用丁未得乞致仕蓋公年六十九矣旣還鄉以詔恩進階資善大夫人以爲公榮而公尤康強不衰凡八年以疾不起享年七十有六公居官善理事爲工部主事時在徐州值歲饑疫區畫荒



改作粥食人多所全活推其餘波收養孤老男女過時而貧不能嫁娶者皆出所助呂梁之人至今思之而平生政績尤多在浙江其平易明決既能使民懷而吏畏至於賓接士人忘其勢分而禮法之際有所不可雖顯要亦不肯阿從也初各省以織造上供文綺不如法者獲重譴衆因畏避至積滯數年所織造者久而濕蒸多壞工人或破家不能償公曰利吾身以害人吾不忍也遂合數郡解運卒亦無事人始免患嘗清理軍伍有訴於御史得更衛者公以爲非例持其文不下御史雖怒不恕也他日定賦役等第按察使欲增損其則而盡貸無產之家公以此輩皆游

謙齋文錄

卷五

碑銘

三

民而令賦役獨歸于力穡之農非重本抑末之意卒從公議歲稔特奏免田租若干舊有起運存畱之數戶部以起運者不可免而止免存畱者公言若然則一省官俸軍餉俱乏矣二者必增損之乃可執奏不已朝廷亦竟從之及在工部適運河淤塞受敕修浚因以其屬從行得便宜行事公盡心水利不憚勞苦數月舟行無阻公私稱便已而兵部尚書余公子俊巡撫大同多費公帑物有誣其侵漁者時受敕偕給事中御史往覈其實或謂公曰上怒巨測公與余有浙省同察之舊辭之可免禍公曰吾知奉公守法而已他何足計瀕行又有以危言怵公者亦不顧卒得

其實而還余之事竟白其幹濟有如此者故凡被委命事  
竣輒受賜賚云公居家事親能盡子道父嘗病疽醫莫能  
療公泣禱于天躬吮之良久愈後父年九十猶就養于官  
以浙地善且迎其兄嫂事之人稱其孝友者無間言自少  
無聲色之奉雖退食燕居必正襟端坐妻子不敢狎視至  
接人臨下更溫厚可親是以人皆愛之公之祖若父俱贈  
通奉大夫工部左侍郎妣俱贈淑人配楊氏亦如之子男  
三人長卽源萊州知府次濬禮部司務次漢國子生側出  
女一嫁山西按察司僉事楊詳孫男五人孫女一子旣知  
公之厚而又喜公有賢子則公雖沒而有不沒之名垂之

謙齋文錄

卷五

碑銘

三

邦國也用以銘曰有美杜公貌偉而厚起於甲科如木初  
茂枝葉翳翳其陰四垂惟其本深其末不萎公少而仕爲  
冬官屬勤敏之餘惠及孤獨籍籍聲聞藹于工曹薦贖斯  
削匪公克逃公在浙省以身任事事有從違惟理之是是  
則行之匪異乎人列郡歌訟徧于吏民公有才能施展未  
盡有命召之爲京兆尹輦轂之下四民寡如政尙平易不  
煩前驅司空掌土乃擢其亞人曰宐哉公不自咤綽有政  
績在於河渠亦復奉命見於奏書出則未遠而日未暮如  
何回車以畏末路優游閭里步履康強故舊笑言左右豆  
觴況乎有子已登貴仕祿養正豐奄其長逝

尚書王公神道碑銘

嗚呼公葬有日矣追憶平生故交同鄉郡同官署而道誼相契合行業相規勵自少至老不相負者如公幾人而今不可作矣矧公之文學政事卓然爲一代聞人而耆年高爵殊恩盛典其在朝廷在天下所關甚重是不可無所紀述以昭不朽而公之子沂以神道碑銘來請乃按福建布政使陳君朝用狀次第書之公姓王氏諱與字廷貴常之武進人晉太傅導之裔也元季祖諱德甫自揚州避地于常子孫遂居之祖諱友諒國朝永樂間徵至京師授魚臺學官擢延平府同知有惠政考諱守正宣德間爲兵部武

謙齋文錄

卷五

碑銘

七

選司主事以廉慎名俱以公貴贈南京吏部尙書祖妣蔣氏妣朱氏俱贈夫人公生有異質十歲能作詩十五攻舉子業二十爲學生正統甲子領鄉薦景泰辛未舉禮部賜進士及第第三人授翰林編修被旨偕修撰柯潛庶吉士吳匯等二十八人肄業東閣給酒饌及膏燭費賜御府諸書癸酉夏旱代祀東嶽甘雨隨注甲戌丁外艱喪葬如禮天順丁丑仍舊任庚辰同考禮部會試時稱得人尋命侍東宮講讀辛巳預修大明一統志成賜金帛癸未復同考禮部遷侍講甲申憲廟踐阼以待從恩擢左春坊左庶子仍兼舊職敕充經筵講官數析明暢啓沃良多修英廟實

錄分掌禮館成化乙酉改南京翰林院學士至則迎母就  
養丁亥實錄成公以舊勞預賜戊子以母喪歸辛卯服闋  
適南京祭酒缺朝廷特用薦起公于家公嚴督率明賞罰  
公差遣上奏論便宜數事又修廟宇學舍補刻書板建書  
庫門工悉就緒壬寅滿九載進南京吏部左侍郎時吏弊  
滋甚每差撥則呼爭於庭公按舊式參以時宜著爲定規  
羣吏懾服丁未召爲戶部左侍郎乘傳赴闕甫數月今上  
登極遷南京戶部尚書復改吏部會有旨考察諸司公悉  
心諏訪務求至當有小過而才亦可用者別爲奏請得降  
級補外其以例考績者必斟酌毀最不苟爲文具又陳八

謙齋文錄

卷五

碑銘

三

事多見采納修治堂庫如國監而加備焉弘治癸丑年七  
十上疏乞致仕上優詔勉留再上亦如之甲寅以再考去  
任還家臥疾乙卯春復上疏詞益懇上念公先朝舊臣進  
階榮祿大夫致仕命有司月給廩米二石歲給興隸四人  
比得報公疾已篤越二日卒于正寢實五月二十五日也  
距生永樂甲辰七月四日壽七十有二訃聞贈太子太保  
諡文肅遣官諭祭命有司治葬事丙辰三月十八日窆于  
縣西謝巷邨之原公所自營壽藏也初娶夫人吳氏江西  
左布政使潤之女勤儉有則尤敦仁惠族里賢之先卒厝  
于祖隴之側至是乃合葬繼娶今夫人孫氏尚寶丞仲徵

之孫亦有內行子二長沂舉成化乙未進士累官湖廣右  
布政使其志行不墜公業次洛輸粟賑饑授鎮江衛指揮  
使女五長卒次適鄉堂鄉進士朱昶段瑞又次適吾子中  
書舍人元概今守節于家孫五女四公性孝友言動不苟  
雖負才望而謙抑不自矜嘗念宗族貧窶歲給廩粟憫兄  
子澄之孤以三品恩移廕爲國子生又修世譜輯家乘以  
貽子孫尤重義氣嘗得楊氏別業有祖隴在欲徙之他公  
嘆曰彼以全產售人而不能保此三尺吾不忍也不聽其  
徙闕其垣使四時祭掃焉公警敏精悍剴繁理劇不勞而  
集彭文憲公慎許可獨器重公後雖秩位隆高而識者以  
謙齋文錄

卷五 碑銘

三

爲弗盡其用也其爲文雅健有體裁詩亦清粹眞行皆道  
勁脫俗所著有思軒稿朝天稿若干卷藏于家銘曰國有  
壽俊羣士之則作之累朝匪朝伊夕鄉有耆舊後生是規  
積數十年乃克見之公在南都爲六卿長公歸南畿足範  
鄉黨七旬遐壽一品崇階公實稱之孰云幸哉矧惟令終  
卹典優異節惠有稱賜葬有地論德以世述事以文於百  
千年來者有聞

尚書薛公神道碑銘

薛故家廬之無爲州國初有大司空相從太祖高皇帝起  
淮甸入臺城攻安慶下江西復廬州戰鄱陽攻浙江奪姑  
蘇下中原累著功勩凡機密必預嘗遣督軍餉上諭之曰  
卿功已應世爵茲行爲朕蕭何可也還進大司空頗以怨  
言聞上怒置之獄死子靖安亦以事舉家瓊州安置永樂  
甲午十月生公於瓊州公諱遠字繼遠少穎脫奇秀屬句  
如流宣德乙卯中廣東鄉試壬戌登進士第授戶部雲南  
司主事勤慎精敏不避艱險景泰中以薦遷郎中嘗以部  
檄覈實南直隸逋稅文案山積洞燭肯綮得其羨餘若干

謙齋文錄

卷五

碑銘

三

萬石歸之於公又同御史倪敬按大同邊儲搜扶遜隱邊  
軍足食天順改元以公使交趾還進本部右侍郎尋丁母  
夫人憂時河決河南詔復起公以工部侍郎往塞之至則  
集丁壯三萬餘分工授任決口遂塞又自揚州門鑿河四  
十里以洩積潦蠲災賑饑伐材爲屋以居流民比還民遮  
道留之已而復授戶部成化元年兵討兩廣蠻獠以公督  
餉公星馳先調兵食師至如歸仍諭其衆能破賊者卽有  
輜貨人人奮勇師至大藤峽躬冒矢石腹背夾攻賊平陞  
左侍郎二品俸有白金文綺之賜三年進尙書總督京儲  
六年夏江南運不至命公往視至則滌泉源濬河流漕以

克濟十三年上疏乞致仕許之十五年有詔起公南京兵部尚書參預軍務是年冬以疾辭不允明年正月詔許致仕既而子丕以廕除中書舍人迎公就養於京弘治五年三月詔進榮祿大夫八年某月某日卒于京邸年八十有二夫人楊氏先卒子丕孫男一某公敏而好學於凡禮樂兵刑天文律歷無不涉其要尤熟國朝典故在戶部最久凡文移奏劄悉出公手于部事例芟繁正訛體要歸一均節委積內外遠近多寡輕重莫不法式會較出納吏胥拱手正統己巳之變謫漕卒戍邊以民代漕江南罷焉景泰中有言事以宐如舊便詔集議戶部曰可兵部曰不可遂

謙齋文錄

卷五

碑銘

吳

罷後復有言者時司徒以問公公曰兩議相持力奪之不如理論之司徒如公言遂定每歲中外競陳利害始一人以爲可行而行又一人以爲可罷而罷前後矛盾有司不知所從公以爲凡若此者一切報罷則官省民安同僚有惡私囑者怒色以待公曰事可行而行不可行而止何怒爲論馭吏則曰嚴刑以懲不若先事而發善革弊不如無弊可革也仕宦四十年家無長物食無兼味室無媵妾曰吾少事親恆不足今安忍有餘哉子丕將奉柩歸葬無爲之原求文刻之隧首於乎公以孤童起海外奮身進士致位八座名顯天下其可謂豪傑者矣然公嘗謂戶部事多

因襲使吾釐正之國可富邊可實民可安也惜乎未及行  
而罷雖然公之志則亦可知矣銘曰竭竭司空興運首遭  
文經武畧爲時蕭曹山河之誓宜及而闕宿惠儲祥及公  
乃發遂登計相進大司馬出入勳名孰與齊者既老而歸  
濡須之邱焯德昭終揭于道周

謙齋文錄

卷五

碑銘

三

謙齋文錄卷五碑銘

八  
文經武畧  
蕭曹山河之誓  
宜及而闕  
宿惠儲祥及公  
乃發遂登計相  
進大司馬出入  
勳名孰與齊者  
既老而歸濡須  
之邱焯德昭終  
揭于道周



朱宣平王神道碑銘

王薨之明日訃聞于朝皇上震悼下有司據彛章行卹典於是禮部按諸司職掌功臣公當追封爲王制可乃封宣平王禮部請定諡武襄王子暉奏諡與祖謙同復改諡武毅翰林撰誥文工部給棺木米布上及皇太子內外親王遣官致祭者六皆如制又特命中貴人賜寶鏹二萬紙爲賻而給驛送其喪于宣府祖塋之次尤異數也王諱永字景昌姓朱氏世家河南之夏邑曾祖諱明從高皇帝起義兵祖諱貞從文皇帝靖內難累官至中都畱守司指揮僉事考諱謙累官左都督佩鎮朔將軍印鎮守宣府以功封

謙齋文錄

卷五

碑銘

早

撫宥伯贈侯賜諡當英廟北狩駐蹕城下率王出見且獻犒軍費上眷其功王在景泰間嗣伯爵時初立十二營王卽以才命管宣威營天順初上旣復辟王特蒙寵顧密有任使慎重不洩多稱意旨命管神機三千營禁兵賜蟒衣玉帶廢馬寶刀玉罍及銀幣鎧甲諸物車駕遊幸必以王從庚寅宣府有警上以王兵家習兵事可屬大任敕領兵出禦北虜至己退壬午敕修景陵尋命總三千營甲申憲宗卽昨敕修建裕陵尋命總神機營兼理三千營掌右軍都督府事定襄伯郭登出鎮甘肅王上疏薦其才遂與同事輿論翕然稱賢至有舉其事以勵士風者時復立十二

營特命王總之而三千營如故成化丙戌荆湘賊劉千斤作亂命王佩靖虜將軍印總兩京湖廣江西四川諸路兵討之王擣其巢穴擒其魁渠斬首九百餘級又戰於古路山獲賊子劉聰等百餘輩并軍械偽印獻其俘又虜餘孽爲患分兵進勦斬首萬餘而還追封撫寧侯增歲祿百二十石丁亥虜酋乜加思蘭寇大同命王佩平胡將軍印總京營及諸邊兵虜見軍容甚盛遂引去己丑賜勦號官階爲奉天翊衛推誠宣力佐理武臣特進榮祿大夫柱國撫寧侯子孫世襲伯爵追封三代庚寅虜酋阿羅出寇延綏命王佩平虜將軍印節制諸邊兵擒斬數百獲牛馬器械

謙齋文錄

卷五

碑銘

聖

以萬計上降敕卽軍中封世襲侯爵畱總制三邊辛卯虜復屯柳樹昂諸處王率兵與戰別出奇計兵邀之復大捷賜予加厚丙申命入侍經筵戊戌加太子太保官其次子瞻爲錦衣百戶增歲祿六十石己亥遼東守臣報建州賊伏當加糾三衛入寇命王出師王出賊不意破其營五百餘所焚廬舍二千餘間獲馬及軍械倍之進封保國公庚子虜復犯延綏復命王出師加太子太傅特進光祿大夫右柱國增歲祿三百石給誥券仍封三代辛丑虜酋亦思馬因寇大同復命王戰于海東山等處擒數人斬首百二十餘級獲駝馬牛羊二千軍械三倍之賜世襲公爵再給

誥券癸卯虜復寇大同命王佩鎮朔將軍印總制大同宣  
府諸路兵獲馬百五十疋加太子太師丁未今上嗣位敕  
王修茂陵庚戌敕修太廟夾室加太師兼舊職改掌後軍  
都督府事自爲侯以來值三大禮數爲班首率羣臣稱賀  
凡有大事告于天地社稷山川太廟然後遣行王禮度恭  
謹觀者起敬軍國重務有廷議者王必與焉詞論剴直不  
爲避忌嘗以疾詔陳時政數事人謂得大臣體邇疾增劇  
上遣中官賜羊酒蔬米命御醫視療而王疾不可爲矣王  
素孝養與其弟都指揮甚友愛器宇宏深言笑不苟內蘊  
籌畧莫窺其際而泣政行法一以嚴爲尙敷歷旣久威望  
益隆內朝外閫皆倚以爲重蓋庶幾古名將之風而遭際  
承平外侮不競用能樹功進爵保身完名壽考令終追封  
大國終膺美諡又有賢子孫嗣爵延胤以引于不替殆世  
之所僅見者也嗚呼偉哉王元配孫氏都督宏之女賢而  
蚤卒贈保國夫人繼張氏太師英國公追封定興王之女  
亦有內行封保國夫人子七長暉錦衣衛勳衛當襲公爵  
才器可稱次暲累官錦衣衛指揮使管鎮撫事次睽昉叅  
朮皆例賜冠帶女四長適永康侯徐錡孫二王生宣德己  
酉十一月某日薨于弘治丙辰二月某日壽六十八葬以  
某年某月某日銘曰朱有伯爵肇自撫寧惟王之才克肖

謙齋文錄

卷五

碑銘

聖

克承內握戎機外總軍旅運謀奮力莫我敢侮著功效績  
餘四十年人曰王才帝曰汝賢由侯陟公位極五等載加  
公孤秩位殊篋錫之誥券誓以山河公子公孫其永實多  
宣平有封武毅有謚聖恩孔彰昭于世世家有譜乘國有  
鼎彝神道有石銘章在茲紛紛武家如此蓋寡王名不窮  
以俟來者

謙齋文錄

卷五

碑銘

聖

尚書耿公神道碑銘

太子太保吏部尚書耿公以弘治丙辰正月十九日卒于位上聞訃悼惜輟視朝一日賜祭賻如制仍命有司造墳復遣吏部司務王溱護其喪歸葬恩至渥也既卜地於河南永寧縣長水鎮紫蓋山之麓某年十一月十七日葬焉今太子太保吏部尚書兼武英殿大學士洛陽劉公旣銘之其孤珣復持楊洗馬廷俊之狀泣拜復請予製神道碑銘予與公同年又嘗爲同官交好餘四十年不敢以不知公爲辭遂諾之公諱裕字好問姓耿氏其先出真定之東鹿有諱昉者仕金爲平定軍宣武指揮使遂爲平定人高

謙齋文錄

卷五

碑銘

四

祖諱文元國子伴讀遷大寧路推官妣呂氏中書左丞忠肅公思誠之姊曾祖諱承祖太常寺太祝贈刑部右侍郎妣康氏贈淑人祖諱絢國初盧氏縣學教諭贈南京刑部尚書妣某氏贈夫人父諱九疇南京刑部尚書諡清惠妣徐氏封太夫人自教諭公官盧氏不歸今爲盧氏人公出儒宦家而資稟特異又清惠公爲一代名臣家庭之間漸染有日故公年少卽有大志景泰己酉清惠公方以刑部侍郎巡撫於外公侍母太夫人居京師當順天府舉鄉試奏乞就試遂中其選明年登進士第補翰林庶吉士丙子授戶科給事中轉改工科天順丁酉清惠公在任都察院

右副都御史公言不當在言路改翰林檢討當是時將臣有怙寵專恣者清惠劾奏之忤旨出爲江西布政使公亦出判泗州旣而丁清惠公憂服滿改定州成化乙酉朝廷知公無罪召還復檢討丙戌同考禮部會試預修英宗實錄進修撰仍充經筵講官癸未陞國子監司業丙申陞祭酒明年擢吏部右侍郎丁母太夫人憂服除轉左侍郎丙午擢本部尙書俄改南京禮部丁未今上卽位轉南京兵部參贊機務弘治戊申召爲禮部尙書癸丑仍爲吏部明年加太子太保累階至榮祿大夫又二年而卒享年六十七歲公儀觀豐偉鬚髯若神而器度宏遠人莫能窺其涯

謙齋文錄

卷五

碑銘

聖

涖初列官清要一旦被斥於外人皆爲公不堪至則孜孜訪求民瘼兩州惠政被於人者甚多在國子時臨諸生舉教條嚴而有恩公而有法時勳戚年幼者奉旨受業公患其難教取其所當習讀者萃成一書授之他日中使至偶持去上閱之嘉歎及擢吏部益慎其職適有執左道以登顯仕者庇其鄉人故公不得安於其位居南京二年鎮靜持重論者以爲得大臣體後旣召還禮部當改元之歲多行大典禮公素博雅通知古今能斟酌而行得會通之宜崇王嘗乞詣京師朝賀詔諸臣集議公言王雖至親於制不宜况茲饑歲所過必勞供役民何以堪上從之西夷貢

獅子公言賈胡嗜利受之無益且彼泛海而來非由故貢道宜卻其物亦從之畿內多自宮以求進者紛然盈路上疏請治其罪一時雖不能絕然自是禁例甚嚴無敢再犯者至再掌銓曹感上知遇益竭心力凡所舉薦必當其人舊緣傳奉貶謫有求復進用者上疏極陳其弊務抑絕之弟禕任都督府知事秩滿當遷公故緩之曰吾家當如是其無所私如此士大夫方慶公之復用而公不幸一疾遂卒矣內外咸痛惜之公嘗以關輔饑代祀獄鎮所過輒督有司賑卹還朝上言十事悉下所司議行若事有係於天下者會議于朝必持正道不阿徇人意或舉人才從衆論而用之公退獨居不敢以物私饋者至老不營產業不治居第自奉儉約蕭然如寒士人以爲有清惠公之風公居清惠公喪哀毀踰禮奉庶母及待弟禕禮意殊厚與人交和易可親杯酒對客談笑間發不以名位自高其學該博凡前代人物與山川古蹟考求無遺爲文純雅所著有青崖稿澹菴稿若干卷皆因號而名也配鄭氏錦衣衛千戶祥之女贈夫人繼芮氏河南衛千戶清之女封夫人子男四曰珣國子生日環任邱縣丞曰琪曰璉自環而下皆先卒女二長適喬泗次適縣庠生戴鉅孫男八人公卒之後上念之特贈進光祿大夫太保諡文恪而官其孫鉉爲

謙齋文錄

卷五

碑銘

吳

中書舍人云銘曰惟古建官六卿分職偉矣耿公其職不  
忒公出貴族勤苦自刻躬取科名範我而獲中外仕途回  
翔偃息惟帝念哉考茲勞績國有政事汝惟名德公掌銓  
選惟公且平吏稱其任君仰其成何以能然信吾權衡正  
色立朝倏居錦京分彼畱務孰擠以行終召而還上有聖  
明龍飛之初典章羣議折以一言自合繩矩公爲宗伯建  
白不靡正論獨持孰敢干紀帝曰休哉復汝冢宰進退百  
官再振風采心力竝勞公不自愛丙辰之春天不憊遺嗟  
嗟故老何奪去之帝曰哀哉孰可倚毗卹典累頒存乎有  
司顯允君子今則逝矣功在朝廷名畱國史清惠文恪世  
謙齋文錄

卷五

碑銘

聖

濟厥美樹碑神道過者來視百世之澤伊洛同逝子孫護  
之蔭庇無已



成國公朱公神道碑銘

公姓朱氏諱儀字炎恆世爲鳳陽懷遠人高祖諱亮元末時從太祖高皇帝起義兵累功授燕山中護衛正千戶祖諱能嗣職從太宗文皇帝靖內難以元功封國公加授太傅追封東平王諡文烈配享太廟妣封東平王夫人曾祖祖考皆封王妣皆王夫人考諱勇嗣成國公爵歷事累朝皆總大兵掌中軍都督府事以功授太保正統末從英宗睿皇帝北征死事土木追封平陰王諡武愍妣沐氏繼妣王氏皆封王夫人公王出也生而氣宇凝重具文武材景泰壬申嗣成國公景皇帝當祀太廟偶不豫夜宣旨遣公謙齋文錄

卷五

碑銘

吳

攝事倉卒無遺禮丙子命治周世子喪財省事集天順丁丑英宗復位見公曰平陰有後矣孝恭章皇后之合葬景陵恭讓皇后之改冊皆命公行禮有游幸或召以從壬午命持節封蜀王勞錫無所受嘗較射內苑連中的上喜甚賜寶鏹一篋蓋自是始有意大用之癸未南京守備官缺敕公往兼掌中軍都督府事賜白金三十兩金織蟒衣一襲甲申憲宗純皇帝嗣位申命以行時南畿饑命公賑救公議令獄囚贖米及都城商稅錢鈔皆市米諸藩給僧牒亦準是法所活甚衆時游食頗盛公議京伍未實宜使此輩應募爲兵得若干人鹽徒彭釗強賊李湘爲江路患遣

將校跡至九江獲焉儀真守備官缺薦都指揮勝勝果以廉明官至總漕都督戊子早奉敕會讞獄囚多所矜釋又議諸郡歲輸軍儲許臨船預放三月省耗數船直得十餘萬石貯於倉倣古常平法行之會有詔諸守臣符驗皆進繳公言南京根本地事有緩急非符驗不能速達又遣官鉤稽營籍公言舊制軍數不宜泄事皆寢城門守兵盡肄營伍止畱老羸數人公謂宜養銳示威始定番代法議人不決後四年公復力爭又言營卒多病死請官置醫藥皆從之今上皇帝之正儲位也廷臣方表請公率南京諸大臣上表適至降詔優答且賜綵幣海賊劉通勢甚猖獗衆

謙齋文錄

卷五

碑銘

兪

議欲招之公謂必先讐以威乃遣舟師分據要害賊勢窮歸罪械其首惡三十三人送京師脇從者皆釋弗治海道以寧乙巳星變求直言公所陳多切時弊屢上疏辭任詔以公廉靜老成不許加太子太傅視事如故憲宗既升遐公哀慟極至燕不舉樂者三年今上御極賜綵幣一襲白金二十五兩公復辭任亦不許有言武官多不畏法請嚴降黜之令公言皆是祖父功所積且律有定法豈宜概黜遂報罷辛亥皇太子生公首請正儲位受賜如前孝陵明樓壞公請修葺又言欽山十廟亦當修二役成有旨嘉勞刻石紀功大勝龍江二關及浦子口教場爲水所迫亟請

內圖以免衝嚙暹羅夷人入貢還泊龍江市中國子女爲  
奴婢事覺或言宐寘不治公以爲事關國體遂舉正管押  
通事官追給夷價各遣歸每歲錄囚公當執筆必從咨訊  
問務求其情尤嚴祀事凡代祀南壇太廟者各四社稷山  
川孝陵及大江之神各三以常典祭者多不可紀皆夙戒  
發未嘗少怠內外文武臣所與議事者前後幾四十人公  
處之皆寅恭協一久而彌篤嘗與諸耆宿爲壽俊會觴詠  
極娛在會者或休官或物故而公巋然獨存壽至七十當  
弘治丙辰三月六日卒于正寢公始得疾卽上疏辭上優  
詔勉畱遣醫視疾命甫下而訃至矣上震悼輟視朝一日

謙齋文錄

卷五

碑銘

五

賜誥贈特進光祿大夫右柱國太師諡莊簡贈棺槨米布  
給驛歸其喪命有司治葬事自聞喪至葬賜祭者十三皇  
太子及內外親王祭賻亦厚南都公卿至於官士罔不走  
弔營衛將校多哭至失聲市民官隸焚楮然燭哭于巷陌  
者無虛日非德之淪於人心而能是耶公疎髯豐頰面如  
頰玉簡重寡言平生忠孝出於天性痛父死難誓欲雪恥  
沙漠旣官於南不得遂每燕坐憤恨灑涕我先王安在而  
我享此祿乎賜第中道石寢泐或請修之曰此石先王所  
履吾不忍易也事母夫人極能順志孝養居喪毀瘠去墓  
百餘里徒跣以行弔者雖微亦拜謝于門庶兄佶廕羽林

前衛指揮使父沒財產聽其自取及佶卒撫其子輅亦厚  
都督僉事郭鉉之母公女兒也嘗迎養于南餽送至殷勤  
焉遇嫫黨皆恩義好拯人急嘗早朝道得遺楮追其主還  
之使歸至德州見鬻子女數輩盡收買之復遣其歸不取  
其直家人梁敏者廣東人娶婦生子矣其父見之徘徊不  
忍去公憐而遣之福英者鳳陽人爲盜所賣窮而歸公廉  
知其父止一子亦遣之有鬻子於倉官者官滿子戀母不  
肯行公贖歸之今襄爵千戶矣有父母道死舟人棄其女  
於江涯者公命有司收養後嫁百戶王隆爲命婦公好讀  
經史工大小楷法間攻吟詠聲伎狗馬一無所好臨財不

謙齋文錄

卷五

碑銘

五

妄取而贈施皆從厚故雖爵上公歲祿恆不給禮賢下士  
至忘勢分汲引人物寸長片善必加甄錄武學官士躬自  
課試官將領登科第者相望尤識治體蒞政之初喜事者  
或有異議公謂留務至重不宜作聰明擅威福妄有更改  
守之不變久則民安而信之不疑矣守備三十餘年上下  
輯服軍民安堵外警不作古所謂無智名無勇功深長爲  
國之謀明哲保身之義兼盡而無遺矣顧事涉綱紀則力  
爭之爭之不得則嘆惋累日恆曰事體易壞復之則難知  
者以爲名言配胡氏少傅忠安公之女封成國夫人賢而  
有則子二長輔公教以忠義病革執其手以指畫將士二

字示之今輔嗣公爵恭謹有父風次慧而早卒女四長適  
南京守備魏國徐公甫次適今知制誥李學士賓之封淑  
人三適宣城伯子衛瓚四適真人張元慶孫二曰麟曰鳳  
女孫某公卒之某年十一月十一日葬于昌平縣北澤山  
賜地二頃爲公墓子輔奉外舅隆平侯張狀介郭都督請  
銘刻于神道以垂不朽子舊與公同朝近與學士同事聞  
公行實爲詳乃敘而銘之銘曰翼翼舊都王業根本畱司  
巖巖秩重分闔有美成公出于將門平陰之子東平之孫  
受鉞英皇保釐是昇憲廟因之有任無貳居中制外守簡  
馭繁心在王室餘三十年正笏垂紳不動聲色慶賞刑威

謙齋文錄

卷五

碑銘

五

遵帝之則凡百官士悉出指揮少者已老壯者已衰時平  
政和兵戢不用公身去畱爲國輕重人願公壽爲鯢爲鮪  
公身存亾爲世榮哀奕代元勳累朝故舊爲子爲臣世守  
忠孝山河有誓彝鼎有銘後百千春公死猶生桓桓二王  
賜葬茲壤公靈在傍足慰俯仰刻銘立石著德紀功太史  
有文公名無窮

尚書潘公神道碑銘

公姓潘氏諱榮字尊用其先出河南之固始唐末從王審知入閩有仕于漳爲龍溪縣簿者因籍焉祖諱從考諱乾皆有隱德公生而瓌異鄉老長指之曰是必爲吾鄉偉人弱冠充郡庠生正統甲子舉福建鄉貢戊辰登進士第奉命齎銀幣犒師廣東景泰庚午拜吏科給事中彈駁有體論停起復抑奔競數事尤切多見嘉納壬申陞左給事中充荆府冊封副使不受餽遺癸酉滿三載敕進階徵仕郎封父如其官母陳氏爲孺人甲戌歸省賜楮幣爲道里費未幾值父喪毀瘠骨立事母不離側天順己卯始以服闋

謙齋文錄

卷五

碑銘

五

復任辛巳充蜀府冊封副使如使荆時壬午簡充琉球國冊封使賜麒麟衣金帶以行至則奉宣德意王以下皆竦息聽命陪臣請爲中山入景記公援筆立就有用夏變夷語國人爲之刻石甲申還朝陞都給事中以母喪歸如喪父時己丑復任六科諸給事無先公者庚寅陞南京太常寺少卿癸巳誥進階中憲大夫加贈父如其官母爲恭人嘗上疏乞致仕不許丙申陞南京戶部右侍郎戊戌奉敕總南京糧儲尋改都察院右副都御史仍領其事己亥誥進通議大夫加贈祖父祖母陳氏及母皆爲淑人辛丑召入爲戶部左侍郎適尚書缺遂署部事免兩浙償補鹽課

人皆稱便會久旱漕河淤涸公奉命督治運舟畢至癸卯  
再乞致仕優詔慰畱之甲辰陞南京戶部尙書所出政令  
大抵以節財卹民爲務丁未今上以登極恩誥進資善大  
夫復加贈祖父祖母及母皆爲夫人公疏凡三上上允所  
請給驛以歸令有司月給米二石歲給輿隸四人南曹諸  
公卿祖餞都門外賦詩爲贈道路榮之弘治丙辰十月十  
八日終于正寢壽七十有八訃聞朝廷贈公爲太子太保  
遣有司諭祭治葬丁巳某月某日窆于某山之原配林氏  
有賢行先公十五年卒累贈夫人側室溫氏生子四人長  
謙賜冠服次儉國子生次麟次恩皆郡庠生女二長適邑

謙齋文錄

卷五

碑銘

善

庠生陳雷次適鄉貢士蘇霄孫九人統紳綱綸經瑞慶繼  
紀溫氏居公喪哀瘁成疾後八日而卒嗚呼公以敦樸之  
資抱德履善不自表襮一命二十年而始得調及其資望  
俱積公卿之選自有不能釋者而累求退避卒克自遂以  
保身完名享有高壽多賢孫子世之所謂福殆無不備天  
之厚善人其理固不爽哉儉走京師奉翰林江侍讀瀾所  
著狀請予銘刻諸神道以告來世子與公同朝知公之賢  
舊矣乃爲銘銘曰有偉潘公廣顙豐頰身居廟堂表表人  
傑爲內臺佐爲卿曹長教歷兩京國計是掌官累八命再  
世貤封七十而歸九載乃終皇有卹恩贈官賜祭有墓若

堂二品之制存順沒寧有哀有榮豈無若人公有令名古  
人有言難進易退公實善處功名之會人皆不足我乃有  
餘其未盡者歸于太初穹碑峩峩瞻彼神道我銘公德來  
者是告

謙齋文錄

卷五

碑銘

五

香邑告

倘其未盡香融于太初穹碑峩峩瞻彼神道我銘公德來

人言難進易退公實善處功名之會人皆不足我乃有

餘其未盡者歸于太初穹碑峩峩瞻彼神道我銘公德來



尚書馮公神道碑銘

公諱貫字大用保定蠡吾人也曾祖守道元西臺御史祖  
彥章皇朝洪武中人材任富平縣主簿考吉以公貴贈大  
理寺卿公少起田畝年十八始知自奮於學正統己巳之  
變士民驚潰失業公誦讀不廢及領鄉薦入國學貧無膏  
燭夜每挾冊隨月光晦則燎薪以續明其勤如此登天順  
甲申進士授監察御史嘗出巡邊關按州縣搜吏弊索民  
隱貪廉才頑多見褻黜成化中上疏言時事曰慎爵賞恤  
窮民處流移修兵政廣儲蓄禁盜賊平刑獄息邊患節冗  
費重憲職數事上嘉納之及掌三法司事治山西妖民及  
劾兵部大臣大法事聞者肅然九年進大理寺右寺丞轉  
左寺丞進少卿不數年遂擢都察院右副都御史又改大  
理寺卿法律精明而持心仁恕嘗曰大理平天下獄獄之  
不平咎在誰執故當奏讞必反覆訊鞠無憾而後已每廷  
議參酌得宜其言多載在條例有司至今遵行之嘗應詔  
舉所知衆稱得人弘治六年拜南京工部尚書九年以疾  
乞致仕詔可且命馳驛以歸抵家一月而卒九月二日也  
壽六十有四娶李氏繼王氏並封夫人子男四綺純繪纓  
綺純太學生女二孫男三公魁岸美髯爲人詳審沈靜而  
有謀謨度量汪如莫窺其際在大理嘗承詔會同三法司

謙齋文錄

卷五

碑銘

五

錄囚有餼羊上尊之賜會勘肅府汾川王承奉及廷試爲  
讀卷官皆有寶鏹之賜弘治改元上太皇太后及皇后徽  
號詰封二代皆三品又有白金文綺之賜及卒上遣官諭  
祭治其喪葬茲亦可謂榮且哀矣以某月某日葬於某山  
之原其從孫今吏部考功主事蘭爲狀致其諸子之意來  
乞銘予與公同官于朝頗知之詳而狀之出處治行履履  
始終亦備矣因述而復之俾鑿諸墓道以爲他日過者之  
式焉故銘之曰蠡吾之野馮氏居焉否而泰來生公挺然  
如彼茂林有木拔起匠石見之謂爲杞梓材則可用用無  
不宐登庸于朝惟所任之昔領鄉書膺薦而至遂取甲科

謙齋文錄

卷五

碑銘

五

揚揚其氣銓曹慎簡置于內臺庶行其志不枉其材侃侃  
在朝職司風憲有所獻納從所聞見乃擢大理審克惟刑  
累官廷尉折獄益平帝曰勞哉刑實無誤汝其少休曰有  
畱務周建宏父是爲司空掌土之職爰以畀公祿旣益豐  
心則加畏丐歸何遄以避名位豈惟知幾命亦自知故居  
稅駕門有靈輻生受榮名沒膺卹典設祭營墳出于宸眷  
邱首之願獲遂所圖鬱鬱佳城巍巍蠡吾伐石刻銘樹茲  
墓道子孫繼之百世有耀

員外郎錢公神道碑銘

弘治丙辰四月壬午奉直大夫南京刑部員外郎錢公卒其子太僕卿鉞請于朝上命有司諭祭遣進士治塋墓於是鉞泣而言曰不肖孤無似徼福天子寵及泉壤其有光矣如復得名世之筆刻諸墓道先子死且不朽其何榮如之子不得辭則爲之銘按狀公諱震字東之其先出於吳之崑山高祖諱常曾祖諱誠仕元爲萬戶始徙家杭州祖諱安一父諱禮生公穎異幼學卽出語驚人稍長習舉子業恆嘆曰大丈夫安能碌碌守章句乃棄去遊沅湘間致財巨萬歸盡散鄉里之孤乏者復垂橐去如是者數四不

謙齋文錄

卷五

碑銘

五

厭人有急難千百里赴之鉞官陝時自粵杖策往視徧歷關中形勝數日挾兩蒼頭徑去絲髮不以煩官旣歸老於西湖之上集古奇方儲藥物彙別分貯揭所治證于上縱病者自取不問其姓名每出民必羅拜道次以謝公曰欲以救難非求謝也娶同郡虞氏封太宐人子男六女二始公將教二子經學未知所授乃列五經于前縱其自取鑑得易鉞得春秋公嘆曰聖人之道見於經莫精於易莫大於春秋二子其得吾志矣時甬東楊文懿公以易名遣鑑師之錢塘季侍御琮以春秋名遣鉞師之鑑登戊戌進士蚤卒鉞登甲申進士授南京刑部主事歷員外郎郎中汝

寧知府陝西參政貴州按察使以右僉御史巡撫山東調  
河南進副都御史改太僕卿所至有聲績爲時良臣人謂  
公之學於是有徵焉公生永樂己丑某月某日壽八十某  
年某月某日葬錢塘佛牙之塢銘曰干雲之材器維大受  
匠石所遺乃以自壽旣壽厥躬復昌其後發爲新枝久乃  
滋茂爲榱爲梁乃堂乃構遡厥本根匪夕伊晝維彼壽者  
終老林阜封以識之名不可朽

謙齋文錄

卷五

碑銘

五

林阜封以識之名不可朽

謙齋文錄卷五碑銘五

公之學於是有徵焉公生永樂己丑某月某日壽八十某

年某月某日葬錢塘佛牙之塢銘曰干雲之材器維大受

匠石所遺乃以自壽旣壽厥躬復昌其後發爲新枝久乃

滋茂爲榱爲梁乃堂乃構遡厥本根匪夕伊晝維彼壽者

終老林阜封以識之名不可朽

采石李都憲先塋碑銘

弘治丙辰總督漕運都察院右副都御史李君德馨以漕事至京師詣子曰吾李氏采石之墓拱木已積抱矣而墓碑未刻無以彰先德子末小子忝承休緒而猶黯黯無圖則不孝之罪益重惟先生孔揚昭大以假寵我李氏以詔我後人子按狀李氏世爲滁人國初有諱慈隆者隨高皇帝渡江取太平遂韜跡太平東山是爲德馨之高祖慈隆生茂林往來采石治生困家焉茂林生順補郡庠弟子員善楷書預書永樂大典成授刑部主事上卽行在爲都方事營建命戶部尙書宋公入蜀取大木擇僚屬可同事

謙齋文錄

卷五

碑銘

六

者以公從旣得木木皆產深山窮谷其徙而出也多經民墟有議夷竈堙井者公曰寧迂道無震驚其民乃別取道以下民德之餽白金者以千計公皆拒不納未幾坐事謫廣東南雄經歷至今猶能道其遺政南雄生翔字某某別號止菴德馨父也性闊畧疎財鄉人有稱貸不責其息或貧不能存死不能葬男女長不能嫁娶者來告止菴未嘗以匱乏辭隨遠近親疎予之多寡悉中度見德馨少慧舉止異凡兒每撫其項曰此子必能大吾家因遣就學日夜訓誡以冀其有成已而果然李氏世有積德其葬于采石蓋自某始于今已三世矣雖嘗一發于南雄然位不甚顯

不克竟其所施未可謂食其報也今德馨貴而贈其祖若  
父如其官祖妣某氏妣某氏皆淑人天之所以報李氏者  
庶其在此乎銘曰李居滁陽亦既有年太平之支由皇祖  
遷既來采石乃卜其宅三世奠安善人奕奕允矣南雄實  
起其宗受命至再而位弗崇爰及止菴輕財好施不世其  
官惟德是嗣匪深其源其流曷長匪培其根其枝曷昌惟  
我李氏其德既侈不福其躬乃在孫子爾孫爾子爾祖爾  
思爾或忘之視此銘詩

謙齋文錄

卷五

碑銘

空

贈通議大夫沈公神道碑銘

封南京戶部員外郎沈公既卒之二十有五年其子暉進都察院右副都御史又三年當弘治丁巳誥贈公如其官暉念神道之碑未立以予前所作行狀來復請銘予與公世接鄉閭通婚姻交好且久又接行狀之言語焉而未詳也其復何辭公諱彝字懋常姓沈氏世爲吳興人元季有諱原澤者辟千夫長有捍禦功得謫避之宜興國初舉遺逸擢代州同知原澤於公爲大父生德榮號松隱配徐淑人生公公年甫十八卽承松隱命綜理家政卓有條緒而能以信義將之邑大夫辟典鄉賦始封南京戶部主事階

謙齋文錄

卷五

碑銘

空

承直郎加封員外郎階奉直大夫成化癸巳六月三十日卒以乙未三月十一日葬鳳凰山之陽壽六十公之典賦也值儉歲民多逋征斂且急公自供辦多至數百斛負私錢者輒折券不取顧擇其凍餒者衣食之所活無慮數千百人家有山數十區可供樵蘇貧而有力者趨之公不禁也又嘗捐布帛棺槨以助婚喪者不可數計鄉人有訟相率至公所求質無不立平者公旣肥遯未究厥志乃作家塾延師教子弟召親黨之願學者資其廩餼俾就課業始封時年方五十遂置家事不問就屋東圃雜花木作亭其中日夕觴咏若未嘗被章服之榮者自以居濱太湖故號





侍郎李公神道碑銘

公姓李氏諱介字守貞後改字守正萊之高密人也宋有爲西臺御史者譜失其名今世墓存焉鄉人稱爲西臺李氏公祖諱遜陝西都指揮司經歷考諱傑舉鄉貢累官至太倉衛學教授有學行俱以公貴贈通議大夫兵部左侍郎公年十一能屬文從父之睢州又之太倉游學久見聞益富成化改元領山東鄉貢五年登張昇榜進士被選入翰林爲庶吉士文學敏瞻諸老先生多器重之擢四川道監察御史改河南道出按浙江鹽課力除宿弊有不便者欲伺其隙中之無所得還掌道事凡中外官考覈殿最務

謙齋文錄

卷五

碑銘

六

持公議都御史以爲可大用諸道奏牘必令可否乃上每率諸御史論事或有所觸忤未嘗少挫嘗予告家居及秩滿以久次超擢爲大理右寺丞陞右少卿今天子登極命代祀東嶽諸神還遷左少卿陞都察院左僉都御史巡撫宣府閱兵馬畜芻粟邊圉以寧未幾召還佐理院事其所論建必先大體不事苛刻而律身無玷譽望日益隆會母栗太淑人喪歸服將闋院佐復闕朝廷畱而俟之暨復任陞兵部右侍郎尋遷左侍郎夙夜勤厲屬有疾暫已卽出治事比歲宣府大同有虜警特命兼左僉都御史經畧之時已遣中官武臣練京兵待報而發論者謂宜用文臣往

遂以督軍事付公公大病新愈卽上道至則虜已退公悉心邊務徧歷營堡策勵將士鎮兵匿役者鉤稽得萬二千人又募丁壯萬五千人訓以待用大同屯田歲給牛具銀若干兩實不爲官用而邊兵償死馬常苦擄掠乃請以給之人甚便將領有弗任者易置之又念大同境外有廢牆請修復爲禦侮計所上議前後不絕事未盡行而疾甚卒于宣府弘治十一年正月二日也守臣給驛歸其喪上聞訃悼惜贈尙書遣禮官諭祭命有司治葬事云公修髯美儀言動雅飭居官清慎遇事必審而後發條分理析舉無廢墜在北邊尤詳密隆寒猶夜草奏牘手爲皸裂使天

謙齋文錄

卷五

碑銘

奎

假之壽得究其所施爲當必有大可觀者而竟弗壽以止命也若其事親孝敬遇諸弟甚友愛範簡皆舉于鄉與人交信厚可質拯災卹困亦其所樂爲者故沒而人思之嗚呼賢哉公年五十有四生正統十年某月某日葬以卒之年某月某日配杜氏洧川縣主簿鑑之女封孺人先公五年卒後贈淑人墓在縣西陸家莊至是合窆姜氏鴻臚寺少卿勝之孫封淑人子一人昆舉進士歷刑禮二部主事世其家孫二早夭昆奉春坊張中允天瑞狀請予銘神道之石子雅厚公知其賢悉矣乃爲銘銘曰揚翹振華北方之英兮飽山飫川南國之靈兮績學詞林其業乃成兮

執法中臺益參厥名兮內陟棘寺佐國之平兮外巡邊徼  
屹爲干城兮兵曹巖巖尊居貳卿兮文事武備二美是并  
兮台階鼎軸不日其升兮天不憇遺一疾而傾兮帝念賢  
勞卹死若生兮返葬故原有鬱新營兮刻石立堂以慰幽  
冥兮垂聲著功俟彼汗青兮

謙齋文錄卷五終

謙齋文錄

卷五

碑銘

矣

謙齋文錄卷五終

以令垂聲著功俟彼汗青兮

與此承澤土兮

公之制鼎軸不日其升兮天不憇遺一疾而傾兮帝念賢

勞卹死若生兮返葬故原有鬱新營兮刻石立堂以慰幽

